

ხელშეკრულება

სახელმწიფო შესყიდვის შესახებ №

08-95/2

ქ. თბილისი

“1” 08, 2019 წ.

შემსყიდველი: საქართველოს განათლების, მეცნიერების, კულტურისა და სპორტის სამინისტრო, წარმოდგენილი ეკონომიკური დეპარტამენტის უფროსის მარიამ ტაბატაძის სახით;

მისამართი: ქ. თბილისი, დ. უზნაძის ქ. №52;

ტელ.: 2200 220

საბანკო რეკვიზიტები: სახელმწიფო ხაზინა, კოდი: TRESGE22; ა/ა GE24NB0330100200165022;

საიდენტიფიკაციო კოდი 202051224;

მიმწოდებელი: ააიპ „მარიანი“ წარმოდგენილი მისი დირექტორის ანა მიქიაშვილის სახით,

მისამართი: სოფ დიღომი ვახტანგ გორგასლის მე12 ჩიხი #4

mariani.contact@gmail.com

+995 514058558

საბანკო რეკვიზიტები: სს „თბილისი ბანკი“ TBCBGE22, ა/ა GE42TB7946945067800005

საიდენტიფიკაციო კოდი 404959194

ერთი მხრივ - შემსყიდველი და მეორე მხრივ - მიმწოდებელი, NAT190013667 ელექტრონული ტენდერის (აუქციონის გარეშე) ჩატარების შედეგად დებენ სახელმწიფო შესყიდვის შესახებ ხელშეკრულებას შემდეგზე:

1. ხელშეკრულებაში გამოყენებულ ტერმინთა განმარტება

ხელშეკრულებაში გამოყენებულ ტერმინებს აქვთ შემდეგი მნიშვნელობა:

1.1 „ხელშეკრულება სახელმწიფო შესყიდვის შესახებ“ (შემდგომში – „ხელშეკრულება“) – შემსყიდველსა და მიმწოდებელს შორის დადებული წინამდებარე ხელშეკრულება, რომელიც ხელმოწერილია მხარეთა მიერ, მასზე თანდართული ყველა დოკუმენტით.

1.2 „ხელშეკრულების ღირებულება“ – საერთო თანხა, რომელიც უნდა გადაიხადოს შემსყიდველმა მიმწოდებლის მიერ ხელშეკრულებით ნაკისრი ვალდებულებების სრული და ზედმიწევნით შესრულებისათვის.

1.3 „დღე“, „კვირა“, „თვე“ – კალენდარული დღე, კვირა, თვე.

1.4 „შემსყიდველი“ – ორგანიზაცია, რომელიც ახორციელებს შესყიდვას.

1.5 „მიმწოდებელი“ – პირი, რომელიც ახორციელებს მომსახურების გაწევას ხელშეკრულების ფარგლებში.

1.6 „მომსახურება“ – ხელშეკრულების მე-2 მუხლით გათვალისწინებული ხელშეკრულების საგანი.

2. ხელშეკრულების საგანი და კლასიფიკატორის კოდი

ხელშეკრულების საგანია მხედველობის დარღვევის მქონე მოსწავლეების საგანმანათლებლო პროცესის მხარდასაჭერად გაფართოებული სასწავლო გეგმის, მობილობისა და სივრცეში ორიენტაციის სტანდარტისა და პროგრამის შექმნის მომსახურების (CPV80200000) შესყიდვა, წინამდებარე ხელშეკრულების დანართის და NAT190013667 ელექტრონული ტენდერის პირობების შესაბამისად.

3. ხელშეკრულების ჯამური ღირებულება

3.1 ხელშეკრულების ჯამური ღირებულება შეადგენს 9959,0 (ცხრაათას ცხრაას ორმოცდაცხრამეტი) ლარს.

3.2 გასაწევი მომსახურების ერთეულის ფასები მოცემულია ქვემოთ წარმოდგენილ ცხრილში:

N	დასახელება	ღირებულება
1	გაფართოებული სასწავლო გეგმის, მობილობისა და სივრცეში	I ეტაპი 3000,0
2	ორიენტაციის სტანდარტისა და პროგრამის შექმნის მომსახურება	II ეტაპი 3500,0
3	ტექნიკური დავალების შესაბამისად	III ეტაპი 3459,0
ჯამი:		9959,0

3.3 ხელშეკრულების ჯამური ღირებულება მოიცავს შემსრულებლის ყველა ხარჯსა და საქართველოს კანონმდებლობით დადგენილ ყველა გადასახადს.

4. ანგარიშსწორების ფორმა და ვადები

4.1 მიმწოდებელთან ანგარიშსწორება განხორციელდება უნაღდო ანგარიშსწორების წესით ეროვნულ ვალუტაში.

4.2 ანგარიშსწორება განხორციელდება ეტაპობრივად, მიმწოდებლის მიერ წარმოდგენილი ანგარიშების და კონტროლის განხორციელების აქტის შესაბამისად გაფორმებული მიღება-ჩაბარების აქტების საფუძველზე.

4.3 მიმწოდებელთან ანგარიშსწორება განხორციელდება შესაბამისი დოკუმენტაციის ხელმოწერიდან 10 (ათი) სამუშაო დღის განმავლობაში.

4.4 მოთხოვნის შემთხვევაში შესაძლებელია განხორციელდეს წინასწარი ანგარიშსწორება არაუმეტეს ხელშეკრულების საერთო ღირებულების 30% ოდენობით, კანონმდებლობით დადგენილი პროცედურების დაცვით, იდენტური თანხის საბანკო გარანტიის წარმოდგენის საფუძველზე.

4.5 დაფინანსების წყარო: "ინკლუზიური სწავლების ხელშეწყობის" პროგრამის „ინკლუზიური განათლების საინფორმაციო და მეთოდოლოგიური მხარდაჭერის" ქვეპროგრამა (პროგრამული კოდი 320601)

5. შესყიდვის ობიექტის მიღება-ჩაბარების წესი

5.1 შესყიდვის ობიექტი ჩაითვლება მიღებულად მხოლოდ მხარეებს შორის მიღება-ჩაბარების აქტის გაფორმების შემდეგ.

5.2 მიღება-ჩაბარების აქტის გაფორმების საფუძველია წინამდებარე ხელშეკრულების მე-8 პუნქტის 8.2 ქვეპუნქტით განსაზღვრული კონტროლის განმახორციელებელი პირის დასკვნა.

5.3 შემსყიდველის მხრიდან მიღება-ჩაბარების აქტზე ხელმოწერა უფლებამოსილ პირს წარმოადგენს სტრატეგიული განვითარების დეპარტამენტის ინკლუზიური განვითარების სამმართველოს უფროსი ან მისი არ ყოფნის შემთხვევაში უფლებამოსილი წარმომადგენელი.

6. შესყიდვის ობიექტის მიწოდების ვადა და ადგილი

მომსახურება უნდა განხორციელდეს ხელშეკრულების გაფორმებიდან 3 თვის ვადაში. დანართის (ტექნიკური დავალების) შესაბამისად.

7. მომსახურების გაწევის პირობები და მხარეთა უფლება-მოვალეობები

7.1 შემსყიდველი უფლებამოსილია ნებისმიერ დროს განახორციელოს მიმწოდებლის მიერ ნაკისრი ვალდებულებების შესრულებისა და ხარისხის კონტროლი.

7.2 შემსყიდველმა უნდა უზრუნველყოს გაწეული მომსახურების ღირებულების ანაზღაურება ხელშეკრულებით გათვალისწინებულ ვადებში.

7.3 მიმწოდებელი ვალდებულია უზრუნველყოს შემსყიდველისათვის მომსახურების გაწევა დანართის (ტექნიკური დავალების) შესაბამისად.

7.4 მიმწოდებელი უფლებამოსილია მოსთხოვოს შემსყიდველს გაწეული მომსახურების ღირებულების ანაზღაურება ხელშეკრულებით გათვალისწინებულ ვადებში.

8. ხელშეკრულების შესრულების კონტროლი

8.1. შემსყიდველი ახორციელებს კონტროლსა და ზედამხედველობას მიმწოდებლის მიერ ხელშეკრულების პირობების შესრულებაზე.

8.2. ამ მუხლის პირველი პუნქტით გათვალისწინებული კონტროლისა და ზედამხედველობის განმახორციელებელი პირია სტრატეგიული განვითარების დეპარტამენტის ინკლუზიური განვითარების სამმართველოს პირველი კატეგორიის უფროსი სპეციალისტი თამარ ჟღენტი.

8.3 მიმწოდებელი ვალდებულია საკუთარი რესურსებით უზრუნველყოს შემსყიდველი კონტროლის ჩატარებისათვის აუცილებელი პერსონალით, სხვა სამუშაო პირობებით. იმ შემთხვევაში, თუ შემსყიდველი კონტროლის მიზნით გამოიყენებს საკუთარ ან მოწვეულ პერსონალს, მის შრომის ანაზღაურებას უზრუნველყოფს თვით შემსყიდველი.

9. ხელშეკრულების პირობების შეუსრულებლობა

9.1 ფორს-მაჟორული პირობების გარდა, შემსყიდველი უფლებამოსილია ხელშეკრულებით ნაკისრი ვალდებულების დაგვიანებით შესრულების შემთხვევაში, დააკისროს მიმწოდებელს პირგასამტეხლო ყოველ ვადაგადაცილებულ დღეზე გაუწეველი მომსახურების ღირებულების 0,2%-ის ოდენობით.

9.2 მიმწოდებლის მიერ ხელშეკრულებით ნაკისრი ვალდებულების შეუსრულებლობის შემთხვევაში, შემსყიდველი უფლებამოსილია დააკისროს მიმწოდებელს პირგასამტეხლოს გადახდა ხელშეკრულების საერთო ღირებულების 5%-ის ოდენობით.

9.3 მიმწოდებლის მიერ ხელშეკრულებით ნაკისრი ვალდებულების არაჯეროვანი (ნაწილობრივ) შესრულების შემთხვევაში, შემსყიდველი უფლებამოსილია დააკისროს მიმწოდებელს პირგასამტეხლოს გადახდა შესასრულებელი (დარჩენილი) ვალდებულების ღირებულების 5%-ის ოდენობით.

9.4 იმ შემთხვევაში, თუ მიმწოდებელი ხელშეკრულებით ნაკისრი ვალდებულების შესრულებას გადააჭარბებს 10 კალენდარული დღით ან/და არაჯეროვნად შეასრულებს, შემსყიდველი იტოვებს უფლებას ცალმხრივად შეწყვიტოს ხელშეკრულება და ასევე, გამოიყენოს ამ მუხლის 9.3 პუნქტით გათვალისწინებული პირობები.

9.5 მე-4 მუხლის 4.3 პუნქტში მითითებული ვადის გადაცილების შემთხვევაში მიმწოდებელი უფლებამოსილია შემსყიდველს დააკისროს პირგასამტეხლო ყოველ გადაგადაცილებულ დღეზე შეუსრულებელი ვალდებულების ღირებულების 0,1%-ის ოდენობით.

9.6 დაკისრებული პირგასამტეხლო გადახდილ უნდა იქნას მხარისათვის აღნიშნულის თაობაზე გადაწყვეტილების (წერილი პირგასამტეხლოს დაკისრების თაობაზე) შეტყობინებიდან არაუგვიანეს 1 თვის ვადისა.

10. ხელშეკრულებაში ცვლილებების შეტანა და ხელშეკრულების შეწყვეტა

10.1 ხელშეკრულებაში ნებისმიერი ცვლილების, დამატების შეტანა შესაძლებელია მხოლოდ წერილობითი ფორმით, მხარეთა შეთანხმების საფუძველზე.

10.2 ხელშეკრულების პირობების, მათ შორის, ფასის შეცვლა დაუშვებელია, თუ ამ ცვლილებების შედეგად უარესდება ხელშეკრულების პირობები შემსყიდველისთვის, გარდა საქართველოს სამოქალაქო კოდექსის 398-ე მუხლით გათვალისწინებული შემთხვევებისა. ხელშეკრულების პირობების გადასინჯვა ხდება საქართველოს კანონმდებლობით დადგენილი წესით.

10.3 საქართველოს სამოქალაქო კოდექსის 398-ე მუხლით გათვალისწინებული გარემოებების დადგომის შემთხვევაში, ხელშეკრულების ჯამური ღირებულების გაზრდა დაუშვებელია ხელშეკრულების ღირებულების 10%-ზე მეტი ოდენობით.

10.4 თუ რაიმე წინასწარ გაუთვალისწინებელი მიზეზების გამო წარმოიშვება ხელშეკრულების პირობების შეცვლის აუცილებლობა, ცვლილების შეტანის ინიციატორი ვალდებულია წერილობით წერილობით ან კომუნიკაციის ელექტრონული საშუალებების გამოყენებით შეატყობინოს მეორე მხარეს შესაბამისი ინფორმაცია.

10.5 იმ შემთხვევაში როდესაც საქართველოს კანონმდებლობით განისაზღვრება იმგვარი პირობა რითაც ერთერთი მხარე ვეღარ ასრულებს ხელშეკრულებით გათვალისწინებულ ვალდებულებას, შესაბამისი მხარე უფლებამოსილია ცალმხრივად შეწყვიტოს ხელშეკრულება.

10.6 ხელშეკრულება ასევე შეიძლება შეწყდეს მხარეთა ინიციატივით, ურთიერთშეთანხმების საფუძველზე.

11. ფორს-მაჟორი

11.1 ხელშეკრულების პირობების ან რომელიმე მათგანის მოქმედების შეჩერება ფორს-მაჟორული გარემოებების დადგომის გამო არ იქნება განხილული როგორც ხელშეკრულების პირობების შეუსრულებლობა ან დარღვევა და არ გამოიწვევს საჯარიმო სანქციების გამოყენებას.

11.2 ამ მუხლის მიზნებისათვის ფორს-მაჟორი ნიშნავს ისეთ გარემოებებს, რომელთა არსებობის გამო მხარისათვის ობიექტურად შეუძლებელი იყო სახელშეკრულებო ვალდებულებების შესრულება (სტიქიური მოვლენები, საომარი მოქმედება, ეპიდემია, კარანტინი, საბიუჯეტო ასიგნებების მკვეთრი შემცირება, მომსახურების მიწოდებაზე ემბარგოს დაწესება, სახელწიფო გადატრიალება და სხვ.).

11.3 მიმწოდებლისთვის ფორს-მაჟორული გარემოების დადგომა უნდა დასტურდებოდეს საქართველოს საავტორო-სამრეწველო პალატის მიერ.

11.4 შემსყიდველისთვის მიერ ფორს-მაჟორული გარემოების დადგომა უნდა დასტურდებოდეს კანონმდებლობით დადგენილი წესით.

11.5 ფორს-მაჟორული გარემოებების დადგომის შემთხვევაში ხელშეკრულების დამდებმა მხარემ, რომლისთვისაც შეუძლებელი ხდება ნაკისრი ვალდებულებების შესრულება, დაუყოვნებლივ უნდა გაუგზავნოს მეორე მხარეს წერილობითი შეტყობინება ასეთი გარემოებების და მათი გამომწვევი მიზეზების შესახებ.

12. დავები და მათი გადაწყვეტის წესი

ხელშეკრულების მოქმედების პერიოდში წამოჭრილი ყველა დავა გადაიჭრება ურთიერთშეთანხმების გზით. შეთანხმების მიუღწევლობის შემთხვევაში, დავის გადასაწყვეტად მხარეები უფლებამოსილი არიან მიმართონ სასამართლოს საქართველოს მოქმედი კანონმდებლობის შესაბამისად.

13. ინტერესთა კონფლიქტი

“სახელმწიფო შესყიდვების შესახებ” საქართველოს კანონის მე-8 მუხლის მოთხოვნათა გათვალისწინებით, წინამდებარე ხელშეკრულებაზე და მიღება-ჩაბარების აქტზე ხელმოწერი და კონტროლის განმახორციელებელი პირები სრულად აკმაყოფილებენ კანონის ამ მოთხოვნას და არ იმყოფებიან ინტერესთა კონფლიქტში მიმწოდებელთან.

14. ხელშეკრულების მოქმედების ვადა

14.1 ხელშეკრულება ძალაში შედის მისი ხელმოწერის დღიდან და მოქმედებს 2019 წლის 31 დეკემბრის ჩათვლით, მხარეთა მიერ ნაკისრი ვალდებულებების სრულად შესრულებამდე.

14.2 მხარეები ვალდებული არიან ხელშეკრულების ვადის გასვლის შემდეგაც შეასრულონ თავისი ვალდებულებები, თუ ეს ვალდებულებები წარმოიქმნა ხელშეკრულებით გათვალისწინებული პირობებით.

15. ზოგადი დებულებები

15.1 არც ერთ მხარეს არ აქვს უფლება, მეორე მხარისაგან წერილობითი თანხმობის გარეშე თავისი უფლებები ან ვალდებულებები გაასხვისოს ან გადასცეს მესამე პირებს.

15.2 მხარეები თანხმდებიან, რომ ის ურთიერთობანი, რომლებიც არ იქნა დარეგულირებული წინამდებარე ხელშეკრულებით, რეგულირებული უნდა იყოს საქართველოს კანონმდებლობით დადგენილი წესით.

15.3 ხელშეკრულება და მასთან დაკავშირებული ყველა დოკუმენტაცია, რომლებიც გაიცვლება მხარეთა შორის ფორმდება ქართულ ენაზე.

მხარეები არსებითად ეთანხმებიან წინამდებარე ხელშეკრულების პირობებს, რასაც ადასტურებენ ხელმოწერით:

შემსყიდველი:

ეკონომიკური დეპარტამენტის უფროსი

მარიამ ტაბატაძე



მიმწოდებელი:

დირექტორი

ანა მიქიაშვილი

- მინიმუმ ორი ქვეყნის მობილობისა და სივრცეში ორიენტაციის სტანდარტისა და მხედველობის დარღვევის მქონე მოსწავლეებისათვის გაფართოებული სასწავლო გეგმის გაცნობა და მათი დამუშავება საუკეთესო გამოცდილების გაზიარების მიზნით;
- იმ საკითხებისა და უნარების იდენტიფიცირება, რომელთა სწავლებაც აუცილებელია უსინათლო მოსწავლეებისთვის.
- სპეციალისტთა ჯგუფი შეიმუშავებს მობილობისა და სივრცეში ორიენტაციის კონცეფციას (შემსყიდველისგან მიღებულ უკუკავშირისა და რეკომენდაციებზე დაყრდნობით), სტანდარტისა და მხედველობის დარღვევის მქონე მოსწავლეებისათვის გაფართოებული სასწავლო გეგმის სამუშაო ვერსიას;
- მხედველობის დარღვევის მქონე მოსწავლეებისათვის გაფართოებული სასწავლო გეგმისა და მობილობისა და სივრცეში ორიენტაციის სტანდარტის სამუშაო ვერსიას მიმწოდებელი გააცნობს შემსყიდველს უკუკავშირისა და რეკომენდაციების მიღების მიზნით.
- მიმწოდებელი მხედველობის დარღვევის მქონე მოსწავლეებისათვის გაფართოებული სასწავლო გეგმის, მობილობისა და სივრცეში ორიენტაციის სტანდარტის და პროგრამის შემუშავებულ ვერსიას წარუდგენს უკუკავშირისა და რეკომენდაციების მიღებისა და საბოლოო პროდუქტში გათვალისწინების მიზნით შემსყიდველს.
- მობილობისა და სივრცეში ორიენტაციის სტანდარტისა და მხედველობის დარღვევის მქონე მოსწავლეებისათვის გაფართოებული სასწავლო გეგმის დასრულებული ვარიანტის წარდგენა შემსყიდველისთვის

ძირითადი მოთხოვნები და მიმწოდებლის ვალდებულებები

მოცემული ტექნიკური დავალების ფარგლებში შერჩეული ორგანიზაცია:

- ხელშეკრულებებს გააფორმებს სივრცითი ორიენტაციისა და მობილობის ტრენერებთან. სულ ჯამში 2 სპეციალისტი.
- განსაზღვრავს და ხელშეკრულებას გააფორმებს სივრცითი ორიენტაციისა და მობილობის სპეციალისტთან, რომელსაც აქვს ისეთ დოკუმენტებზე მუშაობის გამოცდილება, როგორიცაა: სტანდარტი ან კონცეფცია ან სატრენინგო მოდული სასწავლო კურიკულუმი / სილაბუსი.
- ხელშეკრულებას გააფორმებს მხედველობის დარღვევის მქონე მოსწავლეებისათვის გაფართოებული სასწავლო გეგმის 2 ექსპერტთან.
- კოორდინაციის და მონიტორინგის მიზნით განსაზღვრავს ერთ კოორდინატორს რომელიც კოორდინირებას გაუწევს ორგანიზაციის მიერ განსახორციელებელ ადმინისტრაციულ საქმიანობას.
- უზრუნველყოფს სამუშაო სივრცეს, საჭირო ტექნიკურ აღჭურვილობასა და საკანცელარიო მასალებს სამუშაო შეხვედრებისათვის.
- უზრუნველყოფს მოცემული ტექნიკური დავალების განხორციელებისთვის საჭირო მატერიალურ-ტექნიკურ ბაზას (კომპიუტერული ტექნიკა, შავ-თეთრი პრინტერი).

N	სპეციალისტი	სპეციალისტის რაოდენობა
1	სივრცითი ორიენტაციისა და მობილობის ტრენერი	2
2	სივრცითი ორიენტაციისა და მობილობის სპეციალისტთან	1
3	გაფართოებული სასწავლო გეგმის ექსპერტი	2
4	კოორდინატორი	1
	სულ	6

მოცემული ტექნიკური დავალების განხორციელებისთვის საჭირო ადამიანური რესურსი:

- ☐ პროექტის კოორდინატორი - პროექტების მართვის, კოორდინირების და ანგარიშების მომზადების გამოცდილების მქონე პირი (სულ 1 ადამიანი)
- ☐ საჯარო სკოლის უსინათლო მოსწავლეების სივრცითი ორიენტაციისა და მობილობის ტრენერი (სულ 2 ადამიანი)
- ☐ სივრცითი ორიენტაციისა და მობილობის ექსპერტი, პირი, რომელიც კარგად ფლობს სივრცითი ორიენტაციისა და მობილობის პრინციპებს და აქვს მსგავსი დოკუმენტების შექმნაზე მუშაობის გამოცდილება (სულ 1 ადამიანი)
- ☐ 2 ექსპერტი, რომლებსაც აქვთ უსინათლო პირების განათლების საკითხებზე მუშაობის გამოცდილება, იცნობენ ეროვნულ სასწავლო გეგმას.

სამუშაო აღწერილობები:

საჯარო სკოლის უსინათლო მოსწავლეების სივრცითი ორიენტაციისა და მობილობის სპეციალისტის სამუშაო აღწერილობები

- ☐ მონაწილეობს საკვანძო საკითხებისა და უნარების იდენტიფიკაციის პროცესში ჯგუფის დანარჩენ წევრებთან ერთად წინასწარ შემუშავებული განრიგის მიხედვით (მინიმუმ 1 შეხვედრა კვირაში, პირველი თვის განმავლობაში და მინიმუმ 1 შეხვედრა ყოველ 2 კვირაში ერთხელ მეორე თვის განმავლობაში);
- ☐ მონაწილეობს კოორდინატორის მიერ დაგეგმილ შეხვედრებში;
- ☐ სივრცითი ორიენტაციისა და მობილობის ექსპერტებთან ერთად მუშაობს სტანდარტის და პროგრამის შემუშავებაზე

კოორდინატორი

- ☐ საქართველოს განათლების, მეცნიერების, კულტურისა და სპორტის სამინისტროს კოორდინაციით, ახდენს გეგმიური და საჭიროებით განპირობებული სამუშაო შეხვედრების ორგანიზებას;
- ☐ მოიძიებს სამუშაო ჯგუფში ჩართვისთვის რელევანტური გამოცდილების მქონე პირებს და საქართველოს განათლების, მეცნიერების, კულტურისა და სპორტის სამინისტროსთან შეთანხმებით აფორმებს მათთან სამუშაო ხელშეკრულებებს;
- ☐ საქართველოს განათლების, მეცნიერების, კულტურისა და სპორტის სამინისტროსთან შეთანხმებით ადგენს და სამინისტროს წარუდგენს ჯგუფის მუშაობის წესს (შეხვედრების განრიგს, მუშაობის ფორმატს, მოსალოდნელ შედეგებს და სხვა);
- ☐ კოორდინირებს და მონიტორინგს უწევს სტანდარტისა და გაფართოებული სასწავლო გეგმის შემუშავების პროცესს და ასრულებს აღნიშნულთან დაკავშირებულ ყველა საჭირო ადმინისტრაციულ საქმიანობას;
- ☐ სამუშაო პროცესის მონიტორინგის მიზნით აწარმოებს დასწრების უწყისებს, შეხვედრების ოქმებს, რომელთაც შუალედურ და საბოლოო ანგარიშებთან ერთად წარუდგენს საქართველოს განათლების, მეცნიერების, კულტურისა და სპორტის სამინისტროს;
- ☐ ამზადებს და საქართველოს განათლების, მეცნიერების, კულტურისა და სპორტის სამინისტროს წარუდგენს შესრულებული სამუშაოს შუალედურ და საბოლოო ანგარიშებს;
- ☐ უზრუნველყოფს გამარჯვებული ორგანიზაციისთვის განსაზღვრული ყველა სხვა ვალდებულების განხორციელებას.

სივრცითი ორიენტაციისა და მობილობის ექსპერტი

- ☐ მონაწილეობს კოორდინატორის მიერ დაგეგმილ შეხვედრებში;
- ☐ მჭიდროდ თანამშრომლობს ჯგუფში შემავალ დანარჩენ სპეციალისტებთან და ითვალისწინებს მათ უკუკავშირის სამუშაოს შესრულების პროცესში;
- ☐ წერს სივრცითი ორიენტაციისა და მობილობის სტანდარტს;
- ☐ ამზადებს შუალედურ და საბოლოო ანგარიშს პროექტის კოორდინატორთან წარსადგენად.

გაფართოებული სასწავლო გეგმის ექსპერტი

- ☐ მონაწილეობს კოორდინატორის მიერ დაგეგმილ შეხვედრებში;
- ☐ მჭიდროდ თანამშრომლობს ჯგუფში შემავალ დანარჩენ სპეციალისტებთან და ითვალისწინებს მათ უკუკავშირის სამუშაოს შესრულების პროცესში;
- ☐ წერს მხედველობის დარღვევის მქონე მოსწავლეებისათვის გაფართოებული სასწავლო გეგმას;
- ☐ ამზადებს შუალედურ და საბოლოო ანგარიშს პროექტის კოორდინატორთან წარსადგენად.

მომსახურების გაწევის ეტაპები:

პირველი ეტაპი

მიმწოდებელი ხელშეკრულების გაფორმებიდან 7 სამუშაო დღეში შემსყიდველს წარუდგენს:

- დაკომპლექტებულ სამუშაო ჯგუფს (კონკრეტულ ჯგუფში გაერთიანებულ პირთა სიას) და მათი მუშაობის განრიგს;
 - ჯგუფის წევრებთან გაფორმებულ ხელშეკრულებებს, სადაც ნათლად იქნება მოცემული მათი სამუშაო აღწერილობები და ვადები.
- მიმწოდებელი ხელშეკრულების გაფორმებიდან 1 თვის ვადაში:
- წარმოადგენს მინიმუმ ორი ქვეყნის მობილობისა და სივრცეში ორიენტაციის სტანდარტისა და გაფართოებული სასწავლო გეგმის ნიმუშს და გაუზიარებს შემსყიდველს;
 - მოახდენს იმ საკითხებისა და უნარების იდენტიფიცირებას, რომელთა სწავლებაც აუცილებელია უსინათლო მოსწავლეებისთვის;
 - შემსყიდველს წარუდგენს შესულებული სამუშაოს შესახებ ანგარიშს;

მეორე ეტაპი

- პირველი ეტაპის დასრულებიდან ერთი თვის ვადაში სპეციალისტთა ჯგუფი შეიმუშავებს მობილობისა და სივრცეში ორიენტაციის კონცეფციას, სტანდარტისა და გაფართოებული სასწავლო გეგმის სამუშაო ვერსიას;
- მობილობისა და სივრცეში ორიენტაციის სტანდარტისა და გაფართოებული სასწავლო გეგმის სამუშაო ვერსიას მიმწოდებელი გააცნობს შემსყიდველს უკუკავშირისა და რეკომენდაციების მიღების გათვალისწინების მიზნით.
- მიმწოდებელი საქართველოს განათლების, მეცნიერების, კულტურისა და სპორტის სამინისტროს წარუდგენს შესულებული სამუშაოს შესახებ ანგარიშს პირველი ეტაპის დასრულებიდან ერთი თვის ვადაში;

მესამე ეტაპი

- მეორე ეტაპის დასრულებიდან ერთი თვის ვადაში მიმწოდებელი მობილობისა და სივრცეში ორიენტაციის სტანდარტის, პროგრამისა და გაფართოებული სასწავლო გეგმის საბოლოო ვერსიას წარუდგენს უკუკავშირისა და საბოლოო რეკომენდაციებისთვის შემსყიდველს
- მობილობისა და სივრცეში ორიენტაციის სტანდარტის, პროგრამისა და გაფართოებული სასწავლო გეგმის საბოლოო ვარიანტს წარუდგენს შემსყიდველს მეორე ეტაპის დასრულებიდან ერთი თვის ვადაში.

შემსყიდველი:

ეკონომიკური დეპარტამენტის უფროსი
მარიამ ტაბატაძე



მიმწოდებელი:

დირექტორი
ანა მიქიაშვილი